



Број/Број: **01/2а-50-1-2-61/10**

Сарајево/Sarajevo: 10.3.2010.

ZAPISNIK

61. sjednice Komisije za vanjske poslove Predstavničkog doma Parlamentarne skupštine BiH održane 9.3.2010. godine

Sjednica Komisije je počela u 14,15 sati. Sjednici su prisustvovali: Slavko Matić, Husein Nanić, Azra Alajbegović, Lejla Klokić i Milorad Živković.

Opravdano su odsustvovali: Azra Hadžiahmetović, Denis Bećirović i Sefer Halilović.
Neopravdano je odsustvovala Milica Marković.

Osim članova Komisije, sjednici su prisustvovali Sead Avdić i Edin Šehić iz Ministarstva vanjskih poslova BiH, Miroljub Krunić iz Ministarstva finansija i trezora BiH i Ismet Šečić iz Ministarstva za saobraćaj i komunikacije BiH.

Sjednicom je predsjedavao Slavko Matić koji je članove Komisije upoznao s dnevnim redom 61. sjednice Komisije. Nije bilo prijedloga za izmjenu i dopunu dnevnog reda.

Članovi Komisije su za 61. sjednicu Komisije jednoglasno usvojili sljedeći

DNEVNI RED

1. Usvajanje Zapisnika 60. sjednice Komisije;
2. Davanje mišljenja o saglasnosti za ratificiranje:
 - a) Kreditnog sporazuma između Bosne i Hercegovine i Kuvajtskog fonda za arapski ekonomski razvoj – Projekat Autoput Kakanj – Donja Gračanica (resorno ministarstvo: Ministarstvo finansija i trezora BiH);
 - b) Sporazuma o zračnom saobraćaju između Vijeća ministara BiH i Vlade Arapske Republike Egipat (resorno ministarstvo: Ministarstvo komunikacija i prometa BiH);
 - c) Sporazuma o zračnom saobraćaju između Vijeća ministara BiH i Vlade Sirijske Arapske Republike (resorno ministarstvo: Ministarstvo komunikacija i prometa BiH);
 - d) Sporazuma između Vijeća ministara BiH i Vlade Republike Moldavije o uzajamnom ukidanju viznog režima za nosioce diplomatskih i službenih putovnica (resorno ministarstvo: Ministarstvo vanjskih poslova BiH);
3. Odgovor Kolegija Predstavničkog doma na zaključak Komisije za vanjske poslove sa 60. sjednice, a u vezi sa Zaključcima Vijeća Evropske unije za opće i vanjske poslove (GAERC) i Zaključcima Vijeća za vanjske poslove o BiH: Operacija ALTHEA (EUFOR);

4. Odgovor Kolegija Predstavničkog doma na zaključak Komisije za vanjske poslove sa 60. sjednice, a u vezi sa ulaskom Bosne i Hercegovine u MAP – NATO;
5. Izvještaji i materijali pristigli Komisiji:
 - a) Odluka Vijeća EU za vanjske poslove o produženju mandata specijalnih predstavnika EU (materijal MVP-a BiH);
 - b) Izvještaj o posjeti ministra vanjskih poslova Egipta (materijal MVP-a BiH);
 - c) Deklaracija Sobranja Republike Makedonije o podršci Rezoluciji Evropskog parlamenta za Srebrenicu, od 15.1.2009., i pismo za Milorada Živkovića, upućeno od Trajka Veljanovskog;
 - d) Izvještaj Ambasade BiH iz Berlina o obavljenom telefonskom razgovoru između njemačke kancelarke Angele Merkel i predsjedavajućeg Predsjedništva BiH Željka Komšića (materijal MVP-a BiH);
 - e) Rezolucija Parlamenta Savezne Države Illinois o Srebrenici (materijal MVP-a BiH);
 - f) Informacije sa sastanka ambasadorice BiH u Madridu s direktorom za vanjsku politiku za Sjevernu Ameriku i evropske zemlje koje nisu članice EU, održanog 3.2.2010., i sa zamjenikom generalnog direktora za Centralnu i Južnu Evropu, od 2.2.2010., u MVP-u Španije (materijal MVP-a BiH);
 - g) Izvještaj s prvog dijela redovnog zasjedanja Parlamentarne skupštine Vijeća Evrope, Strasbourg, od 25. do 29. 1. 2010.;
 - h) Izvještaj – zabilješka o posjeti finskog ministra vanjskih poslova BiH (materijal MVP-a BiH);
6. Tekuća pitanja.

Ad. 1. Usvajanje Zapisnika 60. sjednice Komisije za vanjske poslove

Zapisnik 60. sjednice usvojen je jednoglasno, bez primjedbi.

Ad. 2. a) Davanje mišljenja o saglasnosti za ratificiranje Kreditnog sporazuma između Bosne i Hercegovine i Kuvajtskog fonda za arapski ekonomski razvoj – Projekat Autoput Kakanj – Donja Gračanica

Na početku je predsjedavajući Slavko Matić pozvao predstavnika Ministarstva vanjskih poslova BiH da kaže da li su sporazumi prošli svu neophodnu proceduru za davanje saglasnosti za ratifikaciju.

Sead Avdić iz Ministarstva vanjskih poslova BiH kazao je da su za sva četiri sporazuma ispoštovane sve procedure i da su ispunjeni svi uslovi za davanje saglasnosti za ratifikaciju.

U vezi s ovim kreditnim sporazumom, Miroljub Krunić kazao je da se radi o finansijskom sporazumu o finansiranju dijela autoputa na Koridoru Vc, koji je obuhvaćen sporazumima o finansiranju s Evropskom investicionom bankom i Evropskom bankom za obnovu i razvoj. Svrha ovog sporazuma je da se dodatno izgradi dionica u dužini od 2,5 kilometra sa svim performansama autoputa. Vrijednost sporazuma je 30 miliona eura ili 10,5 miliona kuvajtskih dinara. Uslovi su prilično povoljni, pet godina grejs perioda i 20 godina vrijeme otplaćivanja što je dimenzionirano kroz 40 otplatnih rata s kamatnom stopom od 2%.

Ad. 2. b) Davanje mišljenja o saglasnosti za ratificiranje Sporazuma o zračnom saobraćaju između Vijeća ministara BiH i Vlade Arapske Republike Egipat

Ad. 2. c) Davanje mišljenja o saglasnosti za ratificiranje Sporazuma o zračnom saobraćaju između Vijeća ministara BiH i Vlade Sirijske Arapske Republike

Ismet Šečić iz Ministarstva komunikacija i prometa BiH kazao je da ovi sporazumi u potpunosti zadovoljavaju sve norme i preporuke međunarodne organizacije za civilnu avijaciju koja ima sjedište u Montrealu. Sporazum s Egiptom potpisan je 16.11.2009. u Kairu, a sa Sirijom 19.10.2009. u Damasku. Nakon donošenja odluke o ratifikaciji, naša je obaveza da obavijestimo Svjetsku zrakoplovnu organizaciju da je Sporazum zaključen i da obavijestimo zemlje potpisnice da smo mi završili kompletnu proceduru što se tiče ratifikacije. On je dodao da Bosna i Hercegovina u ovom trenutku ima oko 50 sporazuma o zračnom saobraćaju.

Ad. 2. d) Davanje mišljenja o saglasnosti za ratificiranje Sporazuma između Vijeća ministara BiH i Vlade Republike Moldavije o uzajamnom ukidanju viznog režima za nosioce diplomatskih i službenih pasoša

Sead Avdić iz Ministarstva vanjskih poslova BiH kazao je da je ovo jedan u nizu sporazuma kojim se regulira ukidanje viza za nosioce diplomatskih i službenih pasoša.

U vezi s ova četiri sporazuma, nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s njihovom ratifikacijom.

Ad. 3. Odgovor Kolegija Predstavničkog doma na zaključak Komisije za vanjske poslove sa 60. sjednice, a u vezi sa Zaključcima Vijeća Evropske unije za opće i vanjske poslove (GAERC) i Zaključcima Vijeća za vanjske poslove o BiH: Operacija ALTHEA (EUFOR)

Ad. 4. Odgovor Kolegija Predstavničkog doma na zaključak Komisije za vanjske poslove sa 60. sjednice, a u vezi sa ulaskom Bosne i Hercegovine u MAP – NATO

Predsjedavajući Slavko Matić predložio je da se razmatranje ove dvije tačke odgodi za sljedeću sjednicu Komisije zbog nedostatka vremena i da se o ovim pitanjima raspravlja na narednoj sjednici Komisije za vanjske poslove.

Članovi Komisije jednoglasno su prihvatili prijedlog predsjedavajućeg Slavka Matića.

Ad. 5. Izvještaji i materijali pristigli Komisiji:

- a) Odluka Vijeća EU za vanjske poslove o produženju mandata specijalnih predstavnika EU (materijal MVP-a BiH);
- b) Izvještaj o posjeti ministra vanjskih poslova Egipta (materijal MVP-a BiH);
- c) Deklaracija Sobraanja Republike Makedonije o podršci Rezoluciji Evropskog parlamenta za Srebrenicu, od 15.1.2009., i pismo za Milorada Živkovića, upućeno od Trajka Veljanovskog;
- d) Izvještaj Ambasade BiH iz Berlina o obavljenom telefonskom razgovoru između njemačke kancelarke Angele Merkel i predsjedavajućeg Predsjedništva BiH Željka Komšića (materijal MVP-a BiH);

- e) **Rezolucija Parlamenta Savezne Države Illinois o Srebrenici (materijal MVP-a BiH);**
- f) **Informacije sa sastanka ambasadorice BiH u Madridu s direktorom za vanjsku politiku za Sjevernu Ameriku i evropske zemlje koje nisu članice EU, održanog 3.2.2010., i sa zamjenikom generalnog direktora za Centralnu i Južnu Evropu, od 2.2.2010., u MVP-u Španije (materijal MVP-a BiH);**
- g) **Izvještaj s prvog dijela redovnog zasjedanja Parlamentarne skupštine Vijeća Evrope, Strasbourg, od 25. do 29. 1. 2010.;**
- h) **Izvještaj – zabilješka o posjeti finskog ministra vanjskih poslova BiH (materijal MVP-a BiH).**

Nije bilo rasprave o ovim informacijama te su ih članovi Komisije primili k znanju.

Ad. 6. Tekuća pitanja

Predsjedavajući Slavko Matić upoznao je članove Komisije s pozivima za konferenciju “Poštivanje OSCE i UN vojno-političkih obaveza BiH” na Jahorini, 11. i 12.3. 2009., i pozivom za Seminar iz oblasti sigurnosne politike za zvaničnike Bosne i Hercegovine, u Sarajevu, 16. i 17.3. 2010.

Slavko Matić na kraju se zahvalio članovima Komisije i zaključio sjednicu.

Sjednica je završena u 14,45 sati.

Zapisnik sačinio Miroslav Stanišić, stručni saradnik u Komisiji za vanjske poslove

SEKRETAR KOMISIJE

Merdžana Iglica

PREDSJEDAVAJUĆI KOMISIJE

Slavko Matić

Dostavljeno:

- naslovu
- a/a